

08- Sept. 2026

समां - 12:25 hrs.

<><><><><><><><><><>

CM-IFFJK

मुख्यमंत्री उमर अब्दुल्ला होंरें जम्मू-कश्मीर अंतराष्ट्रीय फिल्म महोत्सव दी कल श्रीनगर दे शेर-ए-कश्मीर अंतराष्ट्रीय कनवेंशन सेंटर थमां शुरुआत कीती। एह प्रदेश दे इस भेठा नमें ध्याय दी शुरुआत ऐ। 4-रोजा फिल्म महोत्सव च दुनिया भरै थमां फिल्म निर्माता, कलाकार, प्रतिनिधिमंडल ते फिल्म प्रेमी हिस्सा लै'रदे न। एह लोक 30 मुख्य थमां आए दे न ते इस उत्सव दौरान 130 फिल्मां दस्सियां जाडन। उदघाटनी समारोह गी सम्बोधित करदे होई मुख्यमंत्री होंरें आखेआ जे एह सिनेमा दा जश्म मनाने थमां कुते मता ऐ। मुख्यमंत्री होंरें आखेआ जे एह उत्सव जम्मू-कश्मीर गी फिल्म निर्माण लेई इक जीवंत ते बेहतर थाहर दे तौर पर पेश करने दा कम्म करोग।

<><><><><><>

Jatinder –Bollywood Kmr

केन्द्री मंत्री डाक्टर जितेन्द्र सिंह होंरें आखेआ ऐ जे जम्मू-कश्मीर ते बॉलीवुड बश्कार आपसी सरबंध न ते कश्मीर पिछले कैई दहाके थमां भारतीय सिनेमा दे विकास च महत्वपूर्ण भूमिका अदा करदा आया ऐ। इसलै चला'रदे जम्मू-कश्मीर दे पहले अंतराष्ट्रीय फिल्म महोत्सव दे बाहरे प्रकारें कन्नै गल्ल करदे होई जितेन्द्र सिंह होंरें आखेआ जे इस खिते च सिनेमा दी वापसी इक सकारात्मक संकेत ऐ ते एहदे कन्नै नौजवानें लेई नमें मौके बी पैदा होई सकदे न। उ'नें जम्मू-कश्मीर सरकार दी सराहना करदे होई आखेआ जे इस फिल्म महोत्सव कन्नै एह पता लगदा ऐ जे सिनेमा, जम्मू-कश्मीर च बी उन्ना गै लोकप्रिय ऐ, जिन्ना के भारत दे होरनें हिस्सें च।

<><><><><><>

LG- Chicago Address

उपराज्यपाल मनोज सिन्हा होरें Chicago च IIT BHU Global Alumni Meet गी सम्बोधित कीता। आपने सम्बोधनै च सिन्हा होरें आखेआ जे Artificial Intelligence आर्थिक विकास गी मनुक्खी समर्थ ते मशीनी समझ राएं अगड़े बधाग। उ'नें AI दा जिम्मेदारी कन्नै इस्तेमाल करने पर ज़ोर पाया ते आखेआ जे AI दा इस्तेमाल मनुक्खी समझ, जिम्मेदारी ते मानुएं दी दिक्ख-रिक्ख च सारे लोकें दी भलाई-बेहतरी लेई होना लोड़चदा। उ'नें नमें भारत दे उदय बारे गल्ल कीती जेहड़ा घरै च मज़बूती कन्नै दुनिया भरै च आत्म-विश्वास कन्नै खड़ाते दा ते मनुक्खता दे नमें भविक्ख गी आकार देने लेई पूरी चाली तयार ऐ।



CM-Rabita

मुख्यमंत्री उमर अब्दुल्ला होरें कल श्रीनगर आले राबिता दफ्तर च कैई प्रतिनिधिमंडलें कन्नै मलाटी कीती। इनें शिष्टमंडलें च UNICEF India, Association of Domestic Tour Operators of India, Business Network International, जम्मू-कश्मीर ते TEDx NIT श्रीनगर दी इक टीम बी शामिल ही। UNICEF दी टीम जेहदे च Deputy Representative Programme, UNICEF India, Jesper Moller, UNICEF Country Office दे बाल संरक्षण विशेषज्ञ ते होर दुए मिम्बर बी शामिल हे होरें मुख्यमंत्री हुंदे कन्नै मलाटी करियै बच्चें दी हिफाजत करने, उन्दे खिलाफ हिंसा ते शोषण गी रोकने, नाबालगें लेई न्याय ते परोआर आधारित दिक्खभाल ज्नेही पैहलकदमियें पर UNICEF ते जम्मू-कश्मीर सरकार बश्कार सांथ-सहयोग गी तगड़ा बनाने बारे गल्लबात कीती।



JMC –Swachh Vayu Awards

जम्मू नगर-निगम नै स्वच्छ हवा सर्वेक्षण वार्ड स्तर पुरस्कार 2026 च अबादी सरबन्धी त्रै श्रेणिएं च पुरस्कार हासिल कीता ऐ। एह पुरस्कार पर्यावरण, जंगलात ते जलवायू बदलाव सरबन्धी मंत्रालय आसेआ दिते गे न। JMC गी कुल 50 लक्ख रुपे नकद इनाम हासिल होआ ऐ। ग्रेटर कैलाश वार्ड गी 25 लक्ख रुपे, न्यू प्लॉट वार्ड गी 15 लक्ख रुपे ते भगवती नगर वार्ड गी 10 लक्ख रुपे दा पुरस्कार हासिल होआ ऐ।



Khauf Gang Busted

इक बड़्डी कामयाबी हासल करदे ही पुलिस 3 सितम्बर गी अरनिया इलाके च पिस्तौल ते तेज धार आले थेहारें गी शरेआम दस्सिये लोकें गी डराने आली घटना दे सिलसिले च “खौफ गैंग” दे 6एं संदिग्ध मिम्बरें गी गिरफ्तार कीता ऐ। SP Headquarters Jammu Anna Sinha हुंदे मताबक घटना दी जानकारी हासल होने मगरा पुलिस नै जांच शुरू करी दिती ही। संदिग्धें दी प्छान करने ते उन्दा पता लाने लेई CCTV फुटेज बी खंगाली गई, इस तस्दीक दे आधार पर पुलिस नै केई थाहरें तलाशी लैती ते 6 आरोपियें गी गिरफ्तार कीता। पुलिस नै दस्सेआ जे आरोपियें दे कब्जे थमां 3 पिस्तौलां, 6 जिंदा कारतूत ते 5 टोके बरामद कीते गे न।



JK Sigma

Director Colleges, Dr. Sheikh Ajaz Bashir होरें कल विद्यार्थियें दी शकैतें ते सनेहें सरबन्धी ऐण “JK-Sigma” जारी कीती। एदे कन्नै विद्यार्थियें गी स्मार्ट-फोन पर इक मंच उलब्ध होआ ऐ, जेहड़ा 2025 थमां केन्द्र शासित प्रदेश दे डिग्री कालजें च विद्यार्थियें गी सेवा देआरदा ऐ। Sigma दी शुरुआत उच्च शिक्षा मैहकमे आस्सेआ जून 2025 च ICT जत्न दे राएं कीती गई ही। एह जत्न निदेशालय दी नीति बनाने, पोर्टल विकसित करने लेई हा। एह जत्न उच्च शिक्षा बड़ा जरूरी हा लेई तां जे विद्यार्थियें गी आत्म-विश्वास देइए सशक्त बनाया जाई सकै। इक ऐसा मंच जेहड़ा उनें गी आपने मुद्दें गी पुट्टने, आपनी जायज शकैतें गी रखने ते उदे नबेड़े लेई थाहर उलब्ध करोआंदा ऐ।



Read by : Jagmohan Sharma

Composed : Rajni Devi

Skilled : Rajat Paul

Editor : Kunal Shrivatsa